

嘉慶延安府志

延安府志卷七十七

文徵三

序傳誌銘

明張之綱信心錄序從有語孟以來說者無論數十家始不暇述下遠有宋真儒迭興靡不有解而晦翁氏獨稱集大成云至我熙朝執其說以羅天下士天下士亦執其說以取世資方今海內信之不啻著蔡一時文人註爲傳解以訓後學幾於汗牛充棟疇不謂握靈蛇之珠抱荆山之玉哉然率皆附和他人之口吻均之於心未信均之與聖賢之著述無當也性菴劉氏獨唱爲信心之說因以遺不

伎不伎聞地見其言言自胸臆中來嗟夫聖賢以寓內之
理融之於心因以心融之理吐之爲訓聖賢之書固聖賢
之心所寄說者謂爲聖賢之糟粕則非矣聖賢生於千百
載之上吾生於千百載之後世代何其遼邈而意趣識見
契如左券是操何術歟恃有心在也俗士不知吾之心爲
何物日嚙人之唾餘與耳食何異卽詞奪風雲皆屬夢語
功滿宇宙悉屬粗迹吾惟信吾之心至於排羣議執已見
成爲一家言非敢於好爲異說以博名高吾之心有獨覺
其爲是獨覺其爲非者吾信焉蓋吾之心與聖賢之心本
一信吾之心可以得聖賢之心卽與往哲有齟齬奚論哉

世之學者誰不有此心能自信其心卽不背劉氏之心不背劉氏之心卽不背聖賢之心語孟底幾較然於天下隨聲附和之士可以愧矣是爲序

左懋第郎山集序山水歸於泰禹門著焉予爲韓城令陟禹門之山見其山淫茲止兩屹如門者水流其中因思由茲逆陟以止必有壘而人鮮有至者後客爲予言宜川之地有懸流激翔如玉璫水聲如霹靂聞十里之外近崖三里濺沫濡人衣裾宜之張君也山亦爲予言披輿志殆所謂壘門者也張君旣爲予道山水之勝又以其所爲詩文示予皆性情之言迺而後起夫天地之性情爲山水黃河

出崑崙歷積石以至於禹門其間山水倚伏嶽崎激盪之
勢皆行於不得已而人得之以馘其耳目以供夫性情之
用張君避寇亂居潼谷又徙居韓讀書之樂與困約牢騷
之感皆達之詩文蓋善以用其性情者也今且歸孟門予
固眺禹門而思有所謂孟門者他日與君同陟孟門出古
錦囊中所携三百篇離騷漢魏古詩列左右同觀聽所云
玉螭舞靈沫濡結者而浮白歌君勝句與攜來古書如今
日之讀此篇無異嗜性情之所至其可知也哉

國朝陳培基修西山文昌閣序金明據三秦上遊當事者重
其地每慎其人癸巳夏余謬膺

簡命守茲土。凜凜以弗克。勝任是懼。然誼不憚難。卽驅車渡
河。而西。歷白沙渡。碧澗。以抵郡。觀韓范故治。憶當年偉績。
炳炳燁燁。況承重創之後。繼起者。何以不愧先賢。無負

聖

天子西顧意哉。目擊心愴。欲奏救寧首。以觀農興學。爲議
卒歲稔年豐。少可慰曠療憂時進同事。爲牖戶之謀。葺雉
堞。修戍樓。皆捐俸鳩工。次第奏成。一日曳屐登山城之巔。
凝眸登眺。史稱百三雄藩。信然。然兀突削色。不無巨觀。遺
恨披殘碣。訪舊治。知層樓一座。乃范文正公所建。名曰鎮
西。插雲逼漢。以作一方保障。內繪文昌聖像。映奎躔。懸星
斗。百代人文。實式靈之誠。大觀哉。時久制湮。舉廢者誰余

卽膺守土以穀我士民雖雲淨煙清粗安化日而比年秋
香春信文運未光豈非司教者責歟慨然以修復自任而
木屑之費毫不敢問國問民然急公慕義之誠誰不如我
茲役也揆文教者在是奮武衛者亦在是於以追蹤韓范
爲安攘第一義亦我同人所樂與有成余何敢自恃其功
敬弁數言以爲同事倡抑以經始落成將記時日並同錄
姓名於白石而藉茲並壽焉爾

趙廷錫修黑龍祠序粵稽邃皇十紀之始傳五龍氏乘雲
治天下而吾上郡膚施爲出治所漢宣帝曾立五龍仙人
祠以祀焉今荒史具載土人莫得其詳余嘗參稽以考之

或云城東之兩山相峽處俗稱黑龍溝是乎是時也南處
於城市中蒼蒼而冥宵躡足而入所謂山深似太古者近
之摸斷碣披虫刻有雲根雨淋四字何取乎山之阿有幽
泉泉之前有廟祠皆以黑龍主之象北方也而神之變化
與昭應非止一時一事之可更僕數功之著者每於雲漢
興歎有禱輒應此一方之守土者及土著者所尸祝不衰
將以惠我南畝惟此耳兵燹後城社幾墟蒼鼠瓦寧獨玉
華堪悲凡春秋禋祀瞻拜故宮之下者莫不愴然丁酉春
不雨夏五不雨時署郡篆貳守劉公愬焉憂之咨故實而
步謁雲門覩苔蘚班棘祝曰神其有靈賜以甘霖當聿新

廟貌焉不移日而應公倡僚屬勸士民積黍鳩工毀宇列像亦稍有起色未幾而公榮移矣事得半而止矣金碧莊嚴不無有待而畢今年自春徂夏潦雨不時隴頭草枯及夏之仲而亢暘殊深甚無麥無禾之懼實爲涸涸適值新守牛公以司空尙書郎奉

簡命而來目擊殘疆子遺不啻痼瘵及身思所以軫恤而甦生者初政犁然咸歌來暮任事未旬日卽盥沐撫虔以禱桑林閱兩日夜誠與神通密雲起處甘霖如注千里渴沱遠邇歡呼咸曰此隨車雨一如鄭公哉之出守處州時也士民德公公曰偶然不自居功而歸功於神致牲以酌輒

慨然曰劉公之心非我心哉曷可不聿觀厥成焉謹禮諸
子踴躍以應欲傳公之德以妥神之靈以終前守之事備
述其由問序於余自愧不文聊詳顛末以記我公精誠之
感仁惠之施此其一端耳他日歌甘棠者當與北山之側
韓范並祠焉而是祠之聿新凡有涓滴以助木屑皆得附
公以志不朽耳是爲序

明倪元璐廣西橫州知州豫菴劉公墓誌銘公諱子誠字
叔貞姓劉氏別號豫菴其先淮上人三徙而家宜之康寧
里高祖憲副景賢曾祖壽官鰲祖盧氏令繼而父廣安判
廷珩以公贈文林郎母呼延孺人生三子伯子子誠舉嘉

靖甲子仲子子訥公其季也少師伯子三歲知變四聲四
歲當記誦日抱帙聽長者言輒書中解十三補邑弟子於
墳籍鮮不窺蚤爲李公維楨姜公士昌兩名宿所獎賞廣
安公負大節仕蜀三月耻折腰棄歸課暉自娛撫雙驥時
色喜丙戌伯子計偕母疾棘公侍靡倦又籲代不得殮襚
盡哀伯子歸而謝之旋執廣安公喪再慟特怙而鬚者華
矣公旣師伯子而又感二人不憊遺益推事伯子開戰久
不利壬寅首恩貢廷擢第五公例得優除而私念伯子子
影甚星馳以返伯子注目病榻聚百日而華公號絕殆者
攬涕悉以先世遺奉嫂氏而子兄之二子倍所生已謁選

御史大夫溫恭毅公伯子石交也揖公於臺相弔哭而蔡公毅中在翰館與訂心性交旋領武岡州學博訓武六年矢抗經席復相脉而新其宮禮樂蔚興岷邸隣鰲山山邇庠右岷欲封鰲爲死公毅不可曰境內皆王土庠亦王所興士亦王所造也王不能奪攝城步新化二篆咸有惠政後先爲督學王公在晉董公其昌及節推高公鏘相引重直指史公學遷薦於朝請備太館乃擢河間之鹽山令傾武士攀轅橫江六七日不絕鹽濱海多盜公至申保甲練民丁盜遁去隣無探丸又鹽多積牘有以奸殺幼女證爲親母兄者督妄服力請得豁歲賑饑舞胥潛耗公躬給饑

者門佑寶得活地惠室幽出棠金滌百里渠垂柳兩阜晴
則鵝魚繞於堞下雨則奔注趨海遂邑無儉殖而所造士
楊君彤廷以是秋捷拔童子軍劉士彥楊王休咸舉賢書
癸丑入覲奏治行卓異馳贈其父母時同官劉公重慶王
公之衆研究性命之義忻挹古循吏歷薦甘七疏擬清華
選卒以資擢知廣西橫州乙卯秋婆氏諛不而哭如兄携
其長子俱粵橫偏處交趾刻馬盜竄爲強梗交賊挾爲犯
公甫下車率子桂元擐甲躬櫓矢衝壘釋上思州圍又諭
思明知府黃應聘宣上德義士司帖然又念交人恃山爲
障公親相險阻建五營各署兵五百交不敢窺所至屈永

安蓋山卽伏波銅柱地也七月歸道目一黃冠察其貌甚
威撫而訊之則任滿之廣文爲大慙沉舟而亡其家者有
維容之印袋在爲流涕焉而冤慘藉釋州賓興頗不競陟
鉢山寺而慨然曰佛言濟世曷先以濟郡士乎改寺鳩工
建新學而割故學之半以與佛復捐俸置田數頃闢魚池
亘七里環宮蒔蓮茨歲取租以贍寒士嗣橫曰有登薦其
拔童子而雋者則葉澍諸子也州人碑而記之時以練兵
過賊書上考兵使者張公所望請備思南太平兵公塞耳
謝賄有代公者矣公引歸剖俸橐時佐婚塋時修廟譙刪
竹架木有石隱之致焉間抵燕與諸公游日盱衡時蹟低

昂矜珮間不復問進賢冠誰外吏也光祿郝公名宦侍御
楊公建烈以鄉長者推公而蔡公毅中正均鐸修三十年
布衣交坐公雍署尊曰老友是時魏煥熾副都御史楊公
漣疏出公讀之流涕謂真犯而無隱工部萬公燦廷杖公
偉之訂交於較冢宰趙公南星曰我輩且旦夕去子浮湛
聽之母望道行也乃補河南藩幕攝通許延津丙寅春擢
襄鹿令襄鹿熟趙衛寇劇衰息人懷公誠信又釐止璫役
之四出者當魏祠窮士太微石車於鹿公不應至手書以
募終不應或危公璫卒敗又領公爲哲治聲太振直指十
三薦忽中忤者時爲公駭公掉頭自適也擁書數篋入里

而公諸子交鵠起鱗萃間用稍忻慰會辛未春賊逼宜城
公繕衆飲血圍得解宜方賴公而兄子都令單逆游秦岱
賊襲廬蕭然益知公廉公居東二年日坐一坐魚鳥交懌
間涉芸蠹癸酉夏西歸秋游鄆杜冬返里漸患疾日進湯
餌揖客呼尊至丙夜客散命兒輩歌飲倦始罷尤喜譚父
母兄嫂遺事泫泫下曰我未盡孝而父不謂我不孝未
盡弟而兄不謂我不弟若夫涉世也深應人也博出重淵
而踰九阪則至今靡懈也更訓諸子勵行讀書求功名必
合於道而絕不及米鹽凌雜事又數月漸劇目猶炯炯射
不作詖語而曳杖不復吟矣逝之曰巷而哭室而哭者墜

其邑些誅之文續贈徐劍西望長安之里隱隱有虹氣如
公者豈真死哉公方頤廣顙麗眉美髯人望之嶽立而風
采可親性嗜書史至耄不輟不以簿書執也錄古文盈笥
初唐宋晚唐西京口制義不真器甲乙三百年咸有標的
品時儔無妄筆鑑賞輒驗善正隸入顏魯公室尤喜歌咏
不善飲頗樂與人飲不減名人物所交與皆海內正人無
夷險久暫生平見義必爲急人之困御賊獲鮮訪厲亦無
犯者家世宦皆修寒士行通籍釋褐海守令三十年下體
必以布卽垂示子舍無緣縉侈者每出三百里或浹月必
負主以行省先冢如初笏而學本於誠所蒞之地無寒暑

之咨有淫祠必斥一時朋輩僉謂公公輔器而惜乎其止
此也公卒崇正甲戌十二月廿二日距生嘉靖乙卯二月
廿六日享壽八十配張氏封孺人所婚嫁皆閭閻名族而
子廣等屬志於余且曰秋林之址憑牡丹原而帶黃河北
有曰次余愛德而又系之銘

銘曰系於三川而經術則篤昆以傳最於兩畿而祿秩
則拜守以歸所至者非聚德之友則祿祚而爲母所居
者非聚德之師則曰治而爲兒其動也發矩其垂也鼎
呂所過而瞻者李之門所贊而往者揪之原玉華兮載
寒石渠兮載編書題之曰此豫菴劉先生之阡

國朝王豫嘉贈員外趙章墓誌銘吾秦之著姓在延郡則首
推天水趙氏爲最其科第世綿文武著勲者載在史冊通
志郡邑乘世系諸書余童而披閱恒艷稱而神往焉歲辛
丑爲

今上御極之首祚大比天下士余與趙子廷錫同苑觀光追
隨門後趙子怍怍於懷每燈青漏永時告余曰先考以壽
終適際滄桑厄歸窆矣誌尙俟然不無有望於吾子今閱
十二年歲癸丑爲趙子治天台之將報最期也忽以訃聞
至彼都人士如失慈父母急擗踊歸走書告余曰前此請
誌之誠未嘗頃刻忘今也至於大故將合考妣而祔祖塋

次從先志也。敢精不朽以光泉壤。余不文。然局致辭。按狀
公諱章。號俊字。其先朱裔也。自南渡後。散處於徽之休寧
全口者。丁以于計。明初有從戎而北。觀金明形勝。以隸籍
焉。是爲公始祖。質再傳而業儒。三傳而有對策者。爲綿竹
令。至今戶而視之。又再傳而生子四。長仕爲公。大父嘉靖
丙午。與兄瑤同舉於鄉。令晉之武鄉。平反冤獄。人以于公
期之。祝名宦。沒以孫貴。贈太子太傅。兵部尙書。祀鄉賢。祖
妣楊氏。封淑人。贈一品夫人。亦四子長一麟。卽公父。早年
稱象賢。眉壽五封。後贈太傅。大司馬。妣李氏。封夫人。贈一
品夫人。生子三。長彥。以功忠大節。載明記中。不復贅。次卽

公公生有奇兆與太傅同幼而此有共學其聰穎亦相同
太傅綬冠進士公因請生試多不利遊國學復不第耶
爲五斗折腰一時名公卿樂與之遊遂引例授散京職付
光祿署之次官丞久筦玉帛稱廉出使者再皆不辱君命
年四十餘元配楊宜人祿而二子廣印大印皆呱呱待
哺繼配王宜人越年餘舉一子廷廓方彌月而亦不祿鼓
盆之慟中饋需賢卜得占蔗渭淚兆以忠諫維評事爲妣
續得郭宜人出名門稱淑配中筭方新卽磨黷典翟冠金
帔不減荆素門內外森森肅肅咸得主母慶三孫亦藉以
有成公性淡薄寧靜雖吏隱金門時紫情陶徑五旬餘卽

請告歸不問生產事謝絕粉華屏跡公庭開家塾延名儒
以訓課諸子樹德爲孜孜兩子經緯之業已見施爲戊辰
改元遇覃恩受長子封進兵部職方卽楊王俱贈宜人郭
封宜人次年大甲屢著戰功晉都督同知應晉階得一品
命以例格未果公喟然曰當年同生之兆豈我欺乎造物
有參差以齊之者何必作眉睫觀也益以積德訓子爲事
郭宜人又舉五子皆次第露頭角識者以大器目之公惟
閉戶自怡樂善爲懷他若救人之急恤人之難凡宗族鄉
黨之婚祭皆資助焉更留意明農務積粟以備饑荒而兩
遺奇畝多所全活有貨不能償者舉盈筭之簿約而焚之

不責報不言德卽鄉有不率者惟以德化之人無不愧而
且感其天性孝友與人和平視富貴若浼皆夙慧使然自
服官及歸田三十餘年內助之賢郭宜人爲居多云迨庚
辰年七十八嬰健康強傷時事之日非隱有遠憂遂瞑然
而逝不三年果有忝離之憂郭宜人率子女之未成立者
飄泊流離備極困衡惟問天自信以墮越家聲是惧幸我
皇清啟運再造殘疆又值文教聿興諸子爭自砥礪應運稱
多才遠邇聞風而感者莫不曰光祿公之種德郭宜人
砥節以有今日天道信不誣也諸子顯揚正未有艾郭宜
人將爲八袞慶而繡佛忽仙乘鶴不返從公九泉亦何恨

耶傳之家乘傳之記載可以永世可以風世余得悉子之行述而僭爲論次非敢以敘事行議論也嗚呼可藉手以報不朽盛事矣公生於嘉靖癸亥十二月初七日距卒七十八年時崇正庚辰七月初四也以癸未十一月十九日祔葬於贈太傅公父之次與兄太傅分左右皆公在日爲之上兆而弗忍違楊宜人王宜人皆有賢德而不永各另爲新阡葬及今週甲子餘矣茲因郭宜人之沒也在康熙十一年十二月初五日距生之歲爲萬歷甲午六月十四日得壽七十九今卜吉

皇清康熙十三年歲次甲寅四月初三日合穴而歸葬於郡

西郊五里許神仙溝採真崖之山公丈夫子八長廣印兵部職方清吏司員外郎先公而卒娶孫氏贈宜人繼娶楊氏大叅楊吉孫女封宜人次大印甘固總兵都督同知娶王氏翰林學士王大任之孫知縣王邦弼女封夫人皆先卒皆楊宜人出又次廷廓爲漢羌鎮標遊擊娶白氏都御史白希繡姪女經魁白希綵女繼娶王氏甲午舉人王維世姊王宜人出又次隆印爲河南固始知縣因公盡瘁祀名宦鄉賢娶王氏舉人王評之孫名士王體孚女繼娶尉氏舉人尉在廷之孫庠生尉宰平女又次廷錫辛丑進士方簪任天台令多循聲娶馬氏乙丑進士湖廣叅政馬懋

才女繼娶田氏知縣田穗之姪孫又次廷英貢監侯鉉娶
楊氏知縣楊汝桂女繼娶楊氏大司馬太保楊兆之孫以
陽道僉事楊正莖女又次廷颺壬子拔貢娶薛氏丙辰進
士都給事中薛文周姪孫貢生通判改授河南按察司經
歷薛廷謨女又次廷嘉壬子同選拔貢娶馬氏知縣馬如
龍孫商州學正馬懋華女皆郭宜人出女三長適廩生楊
敷政次適總兵蕭如蕙子掌印蕭佩又次適辛卯舉人貴
定知縣劉爾怡俱郭宜人出孫男六人長標增廣生娶郝
氏前乙丑進士工部右侍郎郝名宦孫次權戊子拔貢見
任福建延平同知娶馮氏通判馮登麟女又次樾增廣生

娶任氏戊辰進士任明道女繼娶張氏指揮使張書見女
又繼蘇氏俱廣印出又柄指揮僉事娶李氏丙戌進士瑞
州府知府李賦秀孫中書舍人李如榮女繼娶白氏都御
史白希綽孫廩生白廷芝女又繼郭氏大印出又械尙幼
廷英出又模業儒廷颺出孫女五長適見任平定知州齊
大岳子庠生齊玉桓次適戊戌進士見任睢寧知縣石之
玖子庠生石翼泰又三俱幼未字俱廷颺出曾孫七人長
振世奉祀生娶楊氏大叅楊吉重孫繼娶秦氏次振宗庠
生娶張氏知縣張奇蘊孫又次振甲庠生娶楊氏知縣楊
顯之孫俱標出又振聲庠生娶白氏教授白希綬孫又振

烈尚幼俱權出又振文庠生娶楊氏知縣楊棲鸞女繼出
又振邦業儒柄出元孫五人長傳業儒振世出又愉懌恒
俱幼振宗出又愉業儒振聲出嗚呼生而榮沒而傳種德
之報亦云厚矣況子孫蕃衍於以有光前烈爲不可量者
乎康熙癸卯冬督學使王公功戒報最而特崇祀鄉賢祖
孫父子兄弟姐豆宮牆流芳鄉國夫是之謂真不朽云敬
爲之銘銘曰天水發祥厥源孔長肇迹金明振振繩繩宮
保世褒文武蔚興惟善是積食報愈宏偉哉我公國家之
楨積厚流光永貽令名名自不朽得天獨厚先兆有符以
觀厥後鳳山之翼神仙是宅永奠冥居壽此片石

白之珩無名氏苦節墓碑予少時聞吾族有稱節婦者年十七早寡無兒女守貞五十餘年壽逾七十惜處窮鄉未邀旌典及予長欲傳於後而抔土歸然矣究其名氏無知者並不識其爲誰之妻也嗚呼世之不知善不好善也久矣若節自甘天性則然曷嘗求傳於後而生旣無聞於同里歿復不享其令名未數十年此歸然者亦將同歸於盡非學士之責而誰責歟予感之不忍泯滅後立石於墓以誌焉時康熙三十年五月二十日也

明馮從吾河南衛輝府通判劉公傳予外王父一軒劉公諱璽字廷節一軒其別號也宜川人遷居西安父諱俊以

季子璵貴贈兵部主事舉子五先生爲中子伯兄琰以成
化丁酉舉入知河南新鄭縣季弟琛以宏治壬戌進士歷
山西僉憲有司各樹棹袂於門閭中稱爲三牌樓劉家云
幼穎敏絕人讀書卽知大義稍長與僉憲公同遊膠庠每
試兄弟迭爲諸生首督學遼菴楊公深器重之宏治乙卯
同舉於鄉是時縣尹公已謝政兄弟三人衣冠濟濟時人
榮之公遽廵不自多明年下第歸閉門授徒益脩舊業僉
憲公北面從學出其門者如公之甥王太府諤王僉憲詠
內弟張憲副環及僉憲先後俱成進士公屢上春官竟不
利謁選河南衛輝府通判居數月喟然嘆曰某曩所爲下

帷攻苦爲二尊人耳今二尊人以吾弟貴吾志遂矣吾老矣又安得以五斗苦七尺哉且公宦情素淡不能隨上官俛仰會有言者卽浩然歸歸而買田城西南構別墅數椽僅蔽風雨躬耕以老終歲足不履城市寇至索無所有刼一羊裘去已而笑曰不意劉官人貧至此復還之每農暇卽取四書大全朱子綱目讀之或誚其迂以爲公復應舉子試耶公曰吾平日所樂在此舍此無所事事矣年七十先卒公娶於吳繼張再繼邢先宜人張出其子孫繁衍不具述

馮從吾曰予幼時每侍先大夫輒稱引公以訓從吾兄弟

公爲人真率質懇絕無世俗脂韋態卽或有矯枉過正處
要不失君子先進之風也乃今則時尚靡而人趨競矣搯
腕狂瀾安得如公者起而障之哉論者謂國朝人物惟宏
正間爲最盛嗚呼觀公可知也

延安府志卷七十八

文徵三

書考 雜文

宋范仲淹荅趙天昊書仲淹謹修誠意奉書於夏國大王
伏以先大王歸嚮朝廷心如金石我真宗皇帝命爲同姓
待以骨肉之親封爲夏王履此山河之大旌旗車服降天
子一等恩信隆厚始終如一齊桓晉文之盛無以過此朝
聘之使往來如家牛馬駝羊之產金銀繒帛之貨交受其
利不可勝紀塞垣之下逾三十年有耕無戰禾黍雲台甲
冑塵委養生喪死各終天年使藩漢之民爲堯舜之俗此

真宗皇帝之至化本先大王之大功也自先大王薨背今
皇帝震悼累日嗙吁遣使行弔賻之禮以大王嗣守其國
爵命崇重一如先王昨者大王以本國衆多之情推立大
位誠不獲讓理有未安而遣行人告於天子又遣行人歸
其旌節朝廷中外莫不驚憤請收行人戮於都市皇帝詔
曰非不能以四海之力支其一方念先帝濊澤之厚意及
夏正忠順之大功豈以其一朝之失而驟絕之乃不殺而
還假有本國諸蕃之長抗禮於大王而能含容也若是乎
省初念終天子何負於大王哉二年以來疆事紛起耕者
廢耒耨者廢耘邊界蕭然豈獨漢民之勞耶使戰守之人

日夜豺虎競爲吞噬死傷相枕哭泣相聞仁人爲之流涕
智士爲之扼腕天子遣仲淹經度西事而命之曰有往無
戰不殺非辜王者之兵也汝往欽哉仲淹拜首稽首敢不
夙夜於懷至邊之日見諸將帥多務小功不爲大畧甚未
副天子之意仲淹與大主雖未嘗覲會嚮者同事朝廷於
天子則父母也於大王則兄弟也豈有孝於父母而欲害
於兄弟哉可不爲大王一二而陳之傳曰名不正則言不
順言不順則事不成大王世居西土衣冠語言皆從本國
之俗何獨名稱與中朝天子侔擬名豈正而言豈順乎如
衆情莫奪亦有漢唐故事單于可汗皆本國極尊之聲且

在方冊仲淹料大王必以契丹爲比故自謂可行且契丹
自石晉朝有援立之功時已稱帝今大王世受天子建國
封王之恩如諸蕃衆有叛朝廷者大王當爲霸主率諸侯
以伐之則世世有功王王不絕乃欲擬契丹之稱究其體
勢昭然不同徒使瘡痍病民拒朝廷之禮傷天地之仁易
曰天地之大德曰生聖人之大寶曰位何以守位曰仁是
以天地養萬物故其道不窮聖人養萬民故其位不傾又
傳曰國家以仁獲之以仁守之者百世昔在唐末天下洶
洶羣雄咆哮日尋干戈血我生靈絕我稼穡皇天震怒罰
其不仁五代王侯覆亡相續老氏曰樂殺人者不可如志

於天下誠不誣矣後唐顯宗

改明宗爲顯宗避德明名也

祈於上天曰

願早生聖人以救天下是年我太祖高皇帝應期而生及
歷試諸艱中外忻戴不血刃受禪於周廣南江南荆湖
江西九江萬里之阻一舉而下豈非應天順人之至乎於
是罷諸侯之兵革五代之暴垂八十年天下無禍亂之憂
太宗皇帝聖文神武表正萬邦吳越納疆並皆就縛真宗
皇帝奉天體道清靜無爲與契丹通好受先大王貢禮自
茲四海熙然同春今皇帝坐朝至晏從諫如流有忤雷霆
雖死必赦故四海之心望如父母此所謂以仁獲之以仁
守之百世之朝也仲淹料大王建議之初人有離開妄言

邈城無備士心不齊長驅而來所嚮必下今以強人猛馬
奔衝漢池三年於茲漢之兵民蓋有血戰而死者無一城
一將願歸大王者此可見聖宋仁及天下邦本不搖之驗
也與夫問者之說無乃異乎今天下久平人人泰然不習
戰鬪不熟紀律劉平之徒忠敢而進不顧衆寡自取其固
餘則或勝或負傷亡俱多大王國人必以獲劉平爲賀昔
鄭人侵蔡獲司馬公子癸鄭人皆喜惟子產曰小國無文
德而有武功禍莫大焉而後鄭國之禍皆如子產之言今
邊土訓練漸精恩威已立有功必賞有罪必誅將帥而下
人知紀律莫不各思效命爭議進兵今招討司統兵四十

萬約五路入界者有律曰生降者賞殺降者斬獲精強者
賞害老幼婦女者斬遇堅必戰遇險必奪可取則取可城
則城縱未能入賀蘭之居彼之兵民降者死者所失多矣
是次王伯嗣其民官軍之勢不獲而已也仲淹又念皇帝
有征無戰不殺非辜之訓夙夜於懷雖師帥之行君命有
所不受奈柯鋒刃之交相傷必衆且蕃兵戰死者非有罪
也忠於大王耳漢兵戰死者非有罪也忠於天子耳使忠
孝之人肝腦塗地積累怨魄爲妖爲災大王其可忽諸朝
廷以王者無外有生之民皆爲赤子何蕃漢之限哉何勝
負之言哉仲淹與招討太尉夏公經略密學韓公嘗議其

事莫若通問於大主計而決之重命也其美利甚衆太
王如能以愛民爲意禮下朝廷復其王爵承先大王之志
天下孰不稱賢一也如衆多之情三讓不獲前所謂漢唐
故事單于可汗之稱尚有可稽於本國語言爲便復不失
其尊大之也臣貢土國存中外之體不召天下之怨不速
天下之兵使番僕遠人復見康樂三也又大王之國府用
或闕朝廷每歲必有金帛之厚賜爲大王助四也又從來
貢使入止此稱番吏之職以避中朝之尊按漢諸侯王相
皆出朝拜又吳越王錢氏有承制補官故事功高者受朝
廷之命亦足隆大王之體五也昨者邊臣上言乞招致番

部首領仲淹亦已請罷大王告諭諸番首領不須去父母之邦但回意中朝則太平之樂遐邇同之六也國家以四海之廣豈無遺才有在大王之國者朝廷不戮其家安全如故宜善事主以報國士之知惟同心嚮順自不失其富貴而宗族之外必更優恤七也又馬牛驪羊之產金銀絹帛之貨有無交易各得其所八也大王從之則上下同其美利不然生民之患何時而息哉仲淹今日之言非獨利於大王蓋以奉君親之訓救生民之患合天地之仁而已惟大王擇焉不宣仲淹再拜

國朝趙彥上延綏岳中丞論勦撫舊荒徼殘疆年來承福星

普照建鉞肅清固已烽烟寧謐刀斗不驚將樂享太平之
業矣夫何昊天不弔旱魃爲虐以致餓莩載道饑民走挺
始而攘竊以資一飽旣而盜糧畜以爲己利遂漸至於明
火執刃而劫及鄉堡將逼城池者燎原之勢安可無爲杞
憂在曲徠從薪高明自有碩畫但某明農家食日覩時事
之非不得不過爲懸慮焉宋先賢有云小盜宜思所以
安之勿思所以勝之次盜宜思所以勝之勿思所以安之
以今日而論似小盜也在初意亦憐此無知不過凍餒之
餘姑免須臾死耳予之矜全賜以賑恤何難革而革心孰
知愚民愚甚始懼其法旣貸以生遂視爲利在旣逞者旣

臣不死而未逞者何苦束手待斃而不樂一試耶試之者衆而一倡百和覲不知恥尤可言也甚至鷹眼疾視以王法爲不足畏以狂肆爲可得計降而復叛者屢見告矣叛而復降者不深罪矣在有司不過曰小盜安之之術也以愚見度之已非小盜矣勝廣之徒豈非當日一夫耶後日之事將有不忍言不敢言者緘默不言非所以爲朝廷非所以爲鄉井尤非所以報知我也以叨在帡幪之下兼締蘭譜世誼寧有忌諱歟愚者一得并憶某先在山東平妖已試之效爲煩睿聽可乎勦撫二字原不可分初以愚民受惑急於撫而勢莫可戢後則勤於勦而情有可憫勦以

脅其威撫以恤其困先勦而後撫可也先撫而後勦不可也勦撫並用猶未爲可也今日之撫局已成養瘡矣又成誨盜矣某非不念民命之可哀但民愚甚狡不大創之則不懲以台臺旌鉞所指何異拉朽直追搗穴力竭受刃而姑存不忍之心一體殲厥渠魁脅從罔治之訓勦可也撫可也勦撫並用可也如屢降屢叛之卒何難梟首轅門以驚百堯舜之仁不廢放誅不然狼子野心以撫爲要挾以勦爲虛文所謂國法天討者何在某熟計遠思非爲目前計正欲杜亂萌而收全功賴台臺造福無既也狂瞽率陳惟鑒不宣

趙廷廣擬上察荒官書在昔司會持籌先悉民間疾苦太
師陳詩不遺閭里幽歌恩每讀其書未嘗不掩卷遐思也
今酒

聖天子宵旰時艱念切民依頒修省之詔下蠲免之給者不
啻諄諄先恐

廟堂之持蠶徒爲紙上空言外吏之奉行莫盡心中實事以
司農之屬素秉國衡計天下戶口版籍者無不詳而且悉
故分省授任三秦爲尤要特簡漁陽勲裔一代從龍之彥
持節以往曰汝往欽哉在官之拖欠毋致乾沒在民之拖欠
盡行蠲免深山窮谷之中聞風感泣莫不舉手加額矧

然相告曰下情上達在此舉也愚竊權鑒儒蒿自時艱殫
竭之苦素所疚心若膚施爲愚世服先疇地其衝疲已非
朝夕自明末奇荒相繼及干戈擾攘二十年來子遺之民
枕尸徧野腴田化爲戰場可耕之土供稅不支復因興屯
遺害造無地之糧嗷嗷待命其咨何堪廉之忽曰清丈忽
曰自首每於熟田之中虛增畝數莠莠向隅壅於上聞至
戶口日減包丁賄納追呼敲朴不至膏枯血乾不止地安
得不蕪糧安得不累民安得不逃逃安得不遠竊幸年來
豐稔民牧作主尙苦瘡痍未能卽起殘疆未能速興方今
福曜賁臨日擊城垣之頽損煙火之寥落想無不惻然者

解倒懸而肉白骨下以造福生民上以昭宣皇澤在執事
公忠自矢愛養爲懷星軺所履之地將慶陽和恩之鯉鯉
杞憂者又恐煬灶之奸崇從中作谿壑之慾狐以假威致
雀角雞爭復鼠縮懷畏是使

皇仁罔暨而民困日深也伏願正以持已恕以接物跋履不
建與地方有司開誠相喻力靖楊邊狐鼠同舟共濟無疑
架土杯蛇卽地方之利弊不厭反覆推詳以實心行實政
將荒殘之狀一一

入告焉使無名之屯蚩得折正虛懸之丁從頭開除又必以
清丈自首欸項徹底清查或責之新開墾者或清之有地

無糧者決勿令里甲朦朧捏誣復屬束從役滋弊則興一事民自獲一事之利廣一分民自受一分之賜千瘡百孔稍有生機地方幸歟

國家之福也敬陳管見曷勝悚切

國朝吳炳壺口考禹貢旣載壺口蔡氏傳謂壺口山名禹受命治水所始焦茲云河自塞外入中國壺口當南出孔道故名河口予觀壺口形勢因上流寬廣至此收束歸槽如壺者自然並非山名孟門在壺口下一里兩巨石屹立河中相對如門俗詭爲山已非真景蔡氏以壺口爲山誤尤甚矣焦氏河口之說均於形勢未詳不過懸揣臆測之辭

耳若果因孔道名河口則河自塞外入中國孔道多矣何獨以此爲河自又按漢地里志云壺口在河東郡北屈縣東南考北屈卽今山西吉州居宜之東與宜對隔一河壺口屬宜地在吉州西乃云東南殊不可解禹貢導河積石至於龍門而不復言壺口按呂氏春秋云龍門未闢呂梁未鑿河出孟門之上大溢逆流名曰洪水大禹疏通謂之孟門觀此則疏鑿次第自必先壺口孟門而後達於龍門水經注亦云孟門卽龍門上口乃地里今釋謂龍門與壺口東西隔水相望不知兩地上下相去五十餘里而以東西相望言之其謬又不足深辨顧古今雜勝蹟者羣道龍

門而不及壺口人殊疑爲無足指數韓城縣志謂龍門三
通志謂河水至此直下千仞地皆震撼其下湍瀾警波如
山如沸今韓之龍門則無是不知此之云何從乃爾聞宜
川縣有埽上者懸流畧妨十一云按埽與湓同宜邑土人
呼壺口爲湓上又辛氏三秦記大魚集龍門下數千不得
上上者化爲龍不上者點額暴腮今觀龍門上下鱗介游
泳並無所爲不得上之處而元和志載汾川縣東七里河
岸填狹狀似槽形懸水奔流龍隨魚鼈所不能游明一統
志亦謂孟門在黃河中流大石橫亘數百步魚之溯河者
扼此是古來談龍門者核其實多指壺口蓋緣壺口毗連

龍門與經大禹疏鑿舉龍門卽以該壺口而漢大史司馬公實居龍門故地得以人傳兼龍門爲秦晉衝途騷人墨客遊歷所經類多紀載壺口僻處遙隅舟車莫達雖有好奇之士無從臨眺而古今居此地者又皆未能道其詳於是始猶舉龍門以該壺口漸且知龍門而不復知壺口遂令開闢以來靈奇俶詭之佳景埋沒數千年反不得如龍門之膾炙於人口又考雍州貢賦浮於積石至於龍門西河積石在壺口之上而龍門爲壺口下流是禹時此地可通舟楫明甚然水經注云渾洪黃怒濬波頽疊迄於下口又云數里之外便覺霧雨霑人予嘗因公抵其地宿巖壑

者屢日見夫橫崖千尺奔流騰躍山飛海立晴晝晦冥風雨迷離輒爲不寒而慄始信水經所言蓋非欺我上流舟航至此集數十百人力拽登岸度置圓木上號呼推挽陸行十餘里始復入於河未知禹貢所載果何以云也宋邢恕奏造船運糧征西夏李復疏駁之可謂言之鑿鑿朱子復援禹貢之說不免致疑亦由未親歷其地不察情形故耳夫負奇抱異者緣所處非地不能表見當世而無其實乃冒重名與懸擬妄度遠信爲是而無能正之者古今如此類可勝道哉

明左懋第書李將軍戰勝圖崇正六年十有二年黃河水

堅賊擾鄉寧無食夜踏水由船窩渡任家嶺者千人任家嶺韓城地也李將軍先遣裨將以百騎馳射賊賊亦還射傷相當將軍親以三百騎往射之賊大傷走余時騎往勞軍望黑旄頭立山巔兵環高崖向河而陣至則偕將軍地上坐虎皮褥與語崖下卽將軍射賊處也七年二月賊乃踏水由老雞坡渡道河清川以南老雞坡河清川皆宜川地與韓界也將軍恨之余亦恐宜雜間饑民附賊多且難制騎軍以健兒五百持十日糧日夜行百二十里至澄城界牛角相李得賊所在戰斬百六十級而還奪其所掠婦女五十餘人各歸其家牛馬百以饗士余甚壯之將軍名

菰榆林衛人

國朝趙廷錫祭河神文順治十七年六月朔延之紳士居民
某等敢昭告於河伯之神曰聞之帶礪有盟河山爲重幽
明並理禍福無私載稽成德之朝百靈效順試觀有道之
世海不揚波羅浮山下朱鷺墨蚪之不驚西海岸頭白衣
赤冠之自若雖因人事克修多承河伯默佑吾延處萬山
夾谷之中水勢分南拱北衝之要三山鼎峙二水帶閭觀
風者古爲勝槩爰處者世享安瀾夫何氣運之偶乖以致
泛濫之時聞豈降洞之災不忘帝世抑降割之禍莫奠殷
邦客歲滔天之殄几殞城隍而隨波之驚電未息今年滔

霖之虐復洒井灶而傷弓之疑畏弗寧玉女披玄莫觀五
湖晴浪巨靈馳馬似洩四瀆洪濤或天運之適值恐劫數
之未甦甄甄子遺兵荒鼎革之餘城社幾成鞠草赫赫明
神日月照臨之下洪波何忍魚民伏願憫新造之殘軀順
安瀾而寧社稷登餘黎於彼岸由故道以奠農桑在當事
不勞疏濬無煩智伯之行水我居民永祀烝嘗惟效載封
之祈天恩賜造物世紀神功伏惟慈鑒曷勝虔瞻謹告
譚公 璵弔秦公子扶蘇文昔秦始皇有二十餘子而獨長
子扶蘇以數諫使外將兵上郡於三十一年先死其後六
公子戮死於社公子將閭三人囚於內殿拔劍自殺又公

子十二人歿死咸陽市公子高欲奔恐收族乃上書請從
死葬於驪山之足胡亥遂賜錢十萬以葬嗟乎始皇死未
幾諸公子殺戮殆盡所存者不過子嬰及其子三人而又
復爲項籍所族天之報秦者何酷也然二十餘子之中最
賢者莫如扶蘇卽其坑儒之諫推崇孔子及得遺詔尙擁
三十萬衆以父命不敢拒遂入內舍自殺余以爲恭世子
後一人而已今數千年後扶蘇之墓巍然獨存於綏德州
治之北山上豈非儒者之效與爰爲文以弔之其詞曰維
魏周之天辭錫金策於強秦翦鶉首而是宅滅六國而無
垠爰書秦而著皇示一統之威神遂坑儒而焚籍殷典則

而未遵何公手之直諫能奮士而信人乃北監於上郡爰
蒙難而遵屯辭三軍以如劔威折骨而銷魂雲霧黷而慘
淡水潏潏而鳴咽遵仲尼於日月揭大道於乾坤啓赤帝
之過魯莫太牢以明禋宜誦法於萬世豈當代之稱仁觀
穹隆之遺寢一霑瀟於城闕

吳炳祭山神社虎文萬物並育人獸殊途不逢不若民有
寧居何來魑魍遊行通衢縱橫蹄跡存嚼堪虞忝稱民牧
責誰諉諸張弧設罽未伏厥辜敢籲山神憫念此都明威
震燭迅賜驅除克頌掃軌民困稍甦郎山徽業毋水縈紆
神功永奠千禩弗渝敢摠凡惴庶慰號呼倘饗

又祭城隍神祛虎文維茲尊神血食山城奉天明命赫
聲靈禦災捍患萬姓欽承醜類震疊俯首受成痛茲宜民
慘遭虎虐始踞南山潛行村落有河不渡從風釋絳牛羊
下來恣情擊搏又其甚者患大害深樵夫牧豎血染叢林
橫屍門外青青子衿行旅斷跡人有戒心某宰是邦時逾
二歲涼德是慚除克無計蒿目腐心中宵頃涕翹首疾呼
請命大吏荷蒙俞允搜捕遣兵祈彰威武林莽肅清驅令
就縛飲刃投坑神聽非遠鑒此微誠尙饗

舒暢祭延長城隍廟文延長縣知縣舒暢致祭於本縣城
隍之神曰

今天子懷柔百神建置庶僚撫綏黎元凡幽明無不恪共厥職余本吳地望儒奉

簡命來宰茲土但見凋瘵之狀鵠面鳩形疾苦之聲呼天搶地備詢情由乃知兵荒屠戮之後生齒寥寥而額賦如故一丁賠數十丁之條一丁應數十丁之役前門完課後戶追糧東向耗差西頭喚役百孔千瘡脂膏已竭欲救死而無生可謀欲醫瘡而鮮肉可剗涸轍之魚窮壁之獸皇皇不堪朝夕真使鄭俠之圖筆端難盡賈誼之涕飲血無聲其勢非因循補葺苟延歲月必改絃易轍大爲整頓而後可以故備列苦情親詣上司哀籲具題裁正縣額但人屯

已盡天事居多惟聰明正直之神普施化手拔一切於
輪穽泛慈舟渡衆生於樂土事竣之日余將鳩工度材使
廟貌重新神像煥采倘終多牴牾機緣不偶心溺調飢終
成畫餅余則掛冠東門長揖而去但恐勢窮力竭民盡迷
在空坡空野廟宇傾頽茂草填塞鐘鼓消沉此時此勢神
亦何能不時然而時惘也余非敢漫神唐突第民庶生死
之關人神依賴之會成敗安危在此一舉謹瀝血披肝激
切上陳我神有靈其尙鑒格

延安府志卷七十九

文徵三

詩歌

州縣之志錄及詩歌古者國風之遺意也然舊志往往雜入八景諸詩頗染文士氣習與史例無與今錄其于山川輿地及逸事稍有係屬者凡若干首他若達官之著述名士之諷詠自有專集不更附錄所以嚴史例也

唐王無競北使長城詩一首

秦世築長城長城無極已募兵四十萬興工九千里死人亂如麻白骨相撐委殫殫未云悟窮毒豈知止邊塵未

滅楚兵遠東起六國遂囂囂兩龍闕齧齧耶金竟握識
壁俄論祀仁義寢邦國狙暴行終始一旦成陽宮翻爲漢
朝市

杜甫塞蘆子詩一首

五城何迢迢迢迢隔河水邊兵盡東征城內空荆杞思明
割懷衛秀岩西未已迴略大荒來峭兩蓋虛爾延州秦北
戶關防猶可倚焉得一萬人疾驅塞蘆子岐有薛大夫旁
制山賊起近聞昆戎徒爲退三百里蘆關搃兩寇深意
在此誰能叫帝開口行速如鬼

又羌村詩三首

曉曉排雲西日脚下平地柴門鳥雀噪歸客千里至妻孥
惟我在驚定還拭淚世亂遭飄蕩生還偶然逢隣人滿牆
頭感歎亦歔歔夜闌更秉燭相對如夢寐

晚歲迫偷生還家少歡趣嬌兒不離膝畏我復却去憶昔
好追涼故遠池邊樹蕭蕭北風勁撫事煎百慮賴知禾黍
收已覺糟牀注如今足斟酌且應慰遲暮

羣雞正亂叫客至雞鬪爭驅雞上樹木始聞扣柴聲父老
四五人問我久遠行手中各有携傾榼濁復清苦辭酒味
薄忝地無人耕兵革旣未息兒童盡東征請爲父老歌歎
難愧深情歌罷仰天歎四座淚縱橫

又三川水詩一首

我經華原來不復見平陸北上惟土山連天走窮谷火雲
無時出飛電常在目白多窮幽雨行潦相應燄蒼甸川氣
黃羣流會空曲清晨望高浪忽謂陰崖促恐泥竄蛟龍登
危聚麋鹿枯查卷拔樹隗澗共充塞聲吹鬼神下勢閱人
代速亦有萬穴歸何以尊四嶺及觀泉源漲反懼江海碧
漂渺拆岸法激經松柏禿乘陵破山門廻幹裂地軸交洛
赴絳河及瀾豈信宿應沉數州沒如聽萬室哭穢濁殊未
晴風清怒猶著何時過舟車陰氣不懸黠浮生有蕩汨吾
道正騭東人寰難容身石壁峭側足雲雷重不已艱險路

更期普天無川梁欲濟願水纔因悲中林土未脫衆魚腹
舉頭向蒼天安得騎鴻鶴

牧諸將詩五首之一

韓公本意築三城擬絕天驕拔漢旌豈謂盡煩回紇馬翻
然遠救朔方兵胡來不覺潼關隘龍起猶聞晉水清獨使
至尊憂社稷諸君何以答昇平

錢啟題延州聖僧穴詩一首

定力無涯不可稱未知何代坐禪僧默默山門宵閉月焚
燄石壁晝然燈四時樹長青經葉萬歲崑懸拄杖藤昔日
拾身緣救鶴今時出見有飛鷹

李益賦得路傍一株柳送邢校書赴延州使府詩一首
路傍一株柳此路向延州延州在何處此路起悠悠

又拂雲堆詩一首

漢將新從塞外來旌旗半上拂雲堆單于每近沙場獵南
望山陰哭始回

又夜上受降城聞笛詩二首

回樂峰前沙似雪受降城上月如霜不知何處吹蘆管一
夜征人盡望鄉

又登長城詩一首

漢家今上郡秦塞古長城有口天長慘無風沙白驚當今

聖天子不戰四裔平

白居易城鹽州詩一首

城鹽州城鹽州城在五原上頭蕃東節度鉉圍布忽見
新城當要路金烏飛傳贊普聞建牙穿箭集羣臣君臣相
面有憂色皆言勿謂唐無人自築鹽州十餘載左旌旄裘
不犯塞盡牧牛羊夜捉生長去新城百里外諸邊急驚來
戍人惟此一道無煙塵靈夏潛安誰復辨秦原暗通何處
見鄜州驛路好馬來長安藥肆黃著賤城鹽州城鹽州鹽
州朱城天子憂德宗按圖自定計非闕將略與廟謨吾聞
高宗中宗世北鄙猖狂最難制韓公創築受降城三城

時屯漢兵東西互絕數千里耳聆不聞邊馬聲如今邊
非無策心笑韓公築城壁相看養寇爲身謀名握疆兵固
恩澤願分今日邊將恩褒贈韓公封子孫誰能將此盟州
曲翻作歌胡聞主尊

李賀奉和公況罷使遣馬歸延州詩一首

空留塞報劍不用新先泥馬向沙場去人歸故國來笛愁
翻龍旅酒喜避寒秋錦帶秋驚馬羅衣尙闕雞還吳已滯
渺入郭莫淒淒自是桃李樹何畏不成谿

陳陶出塞行詩一首

誓掃匈奴不顧身三千貂錦喪胡塵可憐無定河邊骨猶

是春閨夢裡人

平瀆長城詩一首

秦王豈無德蒙氏非不武豈將版築功萬里遮胡虜關沙
世所難倖壘頭知苦死者倍堪傷僵屍猶抱杵十年居上
郡四海誰爲主縱使骨爲塵冤名不入土

宋范仲淹柳湖詩一首

種柳穿湖後延安盛可遊遠懷忘澤國眞賞卽瀛州秀發
千絲墮光搖匹練柔折將贈歸客濯足向清流

又清涼山漫興詩四首

金明阻西嶺清涼峙其東延水正中出三郡兩城雄

上上清涼山委蛇復奇怪樓閣倚雲岑萬井如天外
鑿山成石宇鑿佛一萬尊人世亦希有神功豈無存
洞以仙人名仙去洞還在曲徑白雲深幽棲自可愛

明唐龍秋自出塞詩二首

五鼓嚴軍發平明出塞得青霄橫殺氣白日振軍聲野闊
千營肅秋高萬馬鳴軍手皆遮北不用築長城

鼓角川原振旌旗日月明屯兵紅石峽斬將黑山城血染
芹河赤氣收榆塞清陰山應有淚飛檄到神京

孫慎西巡邊詩一首

長城迢遞接虹霓此日登臨信馬蹄秦地山河連草合漢

家州縣外雲迷旌旗高出青霄上
節鉞親持紫塞西白愧
儒冠磨重寄願將方略共封題

薛瑄題渾王祠詩一首

將軍遺廟依山坡匹馬東來始一過
灑灑庭前泉亂湧
嚶嚶林外鳥爭歌
雲臺畫像幾時滅
汗馬勛名永不磨
堪羨
外藩存太節中華冠蓋果何如

余子俊干谷驛謁范文正公祠詩一首

文武才名重古今祠瞻荒驛栢森森
聞風曾破羗戎胆向
日常存憂樂心故鼎有煙香篆續斷碑無字雨苔侵枝頭
鳥語春聲好似共人間頌德音

張緒彥延長縣視賑感賦詩一首

荒城匹馬逐征鸞
幾下深谿幾上巔
酒井那來市上醉
油泉誰代灶頭煙
鯨鯢血冷氣初息
鴻雁聲高惠未仙
識當年應有意
謾勞咄咄問青天

李攀龍上郡詩一首

高城窈窕四山開
西北浮雲睥睨廻
鼓角疑從天上落
輶車眞自日邊來
防秋尙借秦人策
射石猶傳漢吏才
聞道朝廷思猛士
羽書飛過赫連臺

王世貞答寄延綏王中丞懷微詩二首

中丞繡斧下青霄
十萬軍聲靜不驚
何限五原春草色
莫

容戎馬向秦驕

北風吹墮五雲翰
念我餘生傍釣竿
三尺要離無左臂
祇留肝膽待君看

崔鏞塞上曲一首

鼓角聲喧塞日孤
黃沙白草走單于
大荒自古無分地
指點而今入版圖

賈明孝渾王廟次唐高適送渾將軍出塞韻詩一首

將軍鐵勒族稱強
慕義寧同左賢王
十一從征朔方野
奇功已勒燕然下
才勇由來天性生
幾處潢池勞汗馬
河北甫定未橐弧
更佐令公復兩都
勛名傳說追郭李
事業曾

卷之九
羞比孫吳逆泚兵連千萬騎奉天日夕羽書至乘輿蒙塵
正吞聲將軍劍作伊吾鳴鐘簷不移廟貌儼當是李晟伯
仲行一自咸寧封國後至今靈氣冲牛斗我來瞻像想神
威彷彿旌旗似細柳千載英雄令終誰却思烏盡弓藏時
身名俱保真豪傑爲君取醉一題詩

楊汝業渾王廟次韻詩一首

渾耶部曲最稱強有唐再造忠武王祠宇森森坐青野英
風凜凜千載下林響疑是寶刀鳴巖窟猶如嘶戰馬娟娟
新月肖彎弧想像揚鞭上帝都立意從知超衛霍勒助故
不讓孫吳翠華西幸散經騎奉天賴有將軍至師出每捐

刁斗聲嘶奏常聞朱鷺鳴鐵勒三千皆壯士蛇矛丈人敢
橫行迄今血食豐於後異代仰之若山斗階下清泉萬古
明門前蒨鬱數株柳繞朝贈策今伊誰遊人共說鷹揚時
我固醉狂無賴客婆娑浪和達夫詩

張允祥渾王廟次韵詩一首

將軍十一卽稱強封此由來號渾王我志不酬甘草野選
幽常到王祠下細閱亭中希哲碑知曾驚冠勞神馬及觀
繪壁羨蜚弧唐室憑王復兩都想其兵法由心出自不拘
束孫與吳昔同郭李馳飛騎憾以性生忠獨至復遇泚光
鼓鼙聲勒王漑血寶刀鳴燕天木聳根如石最怪何無古

相行傳王劍瘞靈祠後我爲沉吟擊玉斗倚醉欲吞垂井
虹晚煙任鎖門前柳忠義於今首數誰弄兵間亦類當時
旌旗安得皆生色次韻敲炭出塞詩

崇大紳丹州行一首

逃民伏地吞聲哭民家舊住丹州谷爲何一旦忍離鄉止
爲昔年門戶蹙且苦無端兵火頻殘黎散後卒難復朝廷
兵餉敢愆期官長難炊無米粥典衣賣屋又鬻兒先補逃
糧苦未副欲剔毛骨掛天平里長收銀不用肉兼之債主
日臨門細思無過三十六夜攜兒女出門行猶覺公入背
後逐田園廬舍一齊拋更借青苗隴上綠保甲處處客不

客先向神堂古廟宿和衣枋腹夜如年老少悲啼聲陸續
明知不久下黃泉自憐白骨誰提覆昨宵忽動故鄉思幸
有當年一破屋吾爲民牧來茲土惘爾仇離心自苦當今
安得鄭監門畫出民數呈帝睹爲語逃民莫再逃何處而
今是樂郊

蕭如薰萬佛洞詩一首

孤峯懸鷲首半剝捧雲根到覺入天近平看佛日尊河山
連遠塞花木隱高原不盡登臨興惟聞鐘磬喧

延安府志卷八十

文徵三

詩

國朝黃元驥登靖邊城詩一首

危樓雉堞曉雲平
谿水東流雨後聲
北望旌旗搖玉帳
西連鼓角動金明
蘂砧昔斷深閨夢
刁斗空憐遠戍兵
秦月漢關人不見
風沙蕭瑟若爲情

周凌登靖邊城有懷詩一首

登臨絕塞一孤城
極目蒼茫萬里情
鳥道斜西通蜀棧
龍堆直北是燕京
花殘日暮風沙暗
柳落秋深鼓角鳴
猶憶

天邊歸未得空教人說亞夫營

王際有靖邊城晚眺詩一首

城憑險峻聳邊樓鳳急沙寒草色秋落日鳥聲悲紫塞連
天鴈影過黃流幾年殘灶飄餘焰四面荒山鎖暮秋范老
當年遊此地必看新月憶吳鉤

又靖邊詩一首

從來爭戰地落落幾人家有日猶飛雪無風亦起沙山城
誰設市牧卒強排衙更有婁情處春深不見花

陳天植登延州城詩一首

孤城晚眺四茫茫白骨青燐舊戰場西去高山靈武近北

來絕塞夏州長烽烟幾處餘遺址生聚何年開大荒懷古
遙遙追范老甲兵曾以奠巖疆

又延安卽事詩一首

鳳翼聯城勢鳥延古郡名畫疆而禦侮設險以防兵蒼鵠
望陴却白猿臨塹驚彈丸蜀劍閣葺爾楚方城疊翠環山
秀層波傍水清南連三輔重北繫一邊寧十九星羅邑百
千碁布營車轡原有賦駟鐵詎無行桓桓麟閣帥翼翼鳳
池卿介石男兒節凌霜女子貞殘燬雖堪嘆士民尚可旌
但求春雨足兼願歲徭輕天下千戈息眼前教養成兒童
騎竹馬父老厭梁羹擊碎康衢壤書餘大有銘年年分社

處處結歌樞何必桃源裏寂寥絕世情

王象斗登甘泉玉臺觀詩二首

石磴盤空訪故蹤晴山削玉芙蓉樓臺飄渺煙雲逼松栢陰森翡翠重市杏何人曾使虎談經有客自傳龍鶴飛錫落空回首縱目清霄野興濃

登嶂崔巍殿閣懸巖城北望衆山連石田虛領三冬雪村落難尋萬竈烟鴻鴈經時歌肅羽黍苗何日溉流泉先憂莫負登臨意呼吸應須到九天

又賦得延州早鴈詩一首

輕寒密雨到延州白鴈分飛塞上秋嘉嶺山空霜葉落

河風急馬嘶柳雲程計日歸
夜月誰驚夢幾度樓角聲
故園音信杳鄉思頻自起夷猶

又琵琶橋詩一首

斷橋遺響博天工
投足殷殷萬壑中
誰謂不須來指上情
商應自落雲中
江州別淚聞司馬
沙漠歸魂怨畫工
漫向
崑崙思往事
提壺高唱大江東

張廷玉嘉嶺山詩一首

嶺外千峯秀出羣
青蘿丹水散朝氛
虛空下瞰人遊島
星斗高排鳥去雲
二水連城三聖鼎
軍中老子一希文
欲將
圖示三維手
且看當時像幾分

王彥奇登清涼山詩一首

步上城東日正西層層樓閣與雲齊分明目送三千里
佛身登萬丈梯洞裏禪僧曾入定松間野鶴自從棲
更上峯頭去銀漢無聲北斗低

舒暢題延長豁盧丁詩一首

嗟予束髮頗不羣文場鏖戰策風雲英雄三百五十輩
清望館下親民余後出宰廣安旬攜轡入疆駭問見大殺
稽天城復隍殘黎鳩形帶鵠面挨門檢點見在了一千三
百猶依戀蒼天生我亦何爲腐爛邊疆須旋轉鮮血繪
爲圖指南渡涇河北國亦被肝經胆烈兵燹不救殘黎不

如死元老封章達

帝聽邵議行查不知此一駁再駁歷四春虛誕甘罪狀一紙
命哉虛丁盡幣除見在徵收獻驛馳從此驛馬爰有定淮船河
畔樂華胥

吳炳壺口詩一首

聞說導河經始想當年疏鑿半留痕四時霧雨迷壺口兩
岸波濤撼孟門官閣臥遊勞想像清宵坐對聲心魂村莊
不解尊神禹冷落虛岩破廟存

譚吉璫春仲歸自金明於芹亭看雪有懷白頌五孝廉却
寄詩一首

辭君無定水愁絕短長亭風起雲常黑春深草未青有誰
來玉塞聊自酌銀瓶青衿相愿字幽蘭此一聽

又東定邊將軍詩一首

榆關飛雪滿輕裘射獵會同出塞游沙淨旌旗連上郡風
高笳吹雜涼州別來蕭瑟空聞鴈客去騷離倦倚樓月近
賀蘭人獨遠何時燒燭看吳鉤

郭指南塞門行一首

勞擾干戈二十年羸身日走萬山巔朝隨獫狁過塞門暮
同雉鷲集沙田有妻有子添貧病心疆命弱空相競老親
皤然爲我慰幼兒啼飢向誰控去年洛濱移來此今年更

入沙夢里誰將書卷伴春秋滿引濁醪銷我愁君不見
焚去後書絕辟穀子房今亦休人生萬事終歸盡只此
榮名天地留

又上元立春詩一首

時寄居邊上四事志懷

增冰塊我與山高黃雲萬里雪飛毛范老闕前春不生荒
沙漠漠風颼颼憶昔長安今夜裏萬戶千門燈炬起渭水
無塵月似銀梅花半落海棠紫王孫錦瑟美人舞兕觥錯
落忘賓主自從李廣入煙溝煙塵隱沒終南山秦宮臺榭
灰已冷曲江屍骨並禽班陰羅凄迷聞鬼火敗井頽垣麋
鹿夥父子離憂夫妻別痛眼逢舊何處可去年大水傷禾

租租吏上門收欠糴老翁賣鹽尙未歸苦求長官暫休處
牢內豬小豚不珍烹雖且酌田家甯吏得醉飽臥破屋老
婦提釜牽黃犢平明入山數十里道逢老翁相聲感哀哉
人生值此厄呼天號地空嘖嘖安得上天雨金粟遍滿九
州厥求索嗚呼西山新有白額虎問君何地爲樂土

郭允升把都河道中詩二首

長城關外暮飛雲蕭瑟秋風鴈幾羣戍士牧兒頻借問只
今誰是李將軍

落日平沙接大荒蕭蕭衰草藉河隍受降城在今何處此
地空題古戰場

張偉次定遠詩一首

建山奔冥漠朔氣結雲黃漢月千秋古秦城萬里長駝眠
沙草暖鴈啄塞垣涼自昔兵戈地今爲耕牧方

荆光鳳故尹張禹木崇祀名宦詩一首

景山鬱巍巍拱揖一如掌翟水長悠悠激湍雷鳴響遐哉
古循良誰能屈指兩衡湘家世遠曲江風度朗卿命入延
封褒鴈咸負襁好義昭經儲宸藻光天壤露處禱甘霖吞
蛭獲豐穰杜母應如斯召父亦相彷彿金石永令名俎豆方
將享直道在人心輿論原非強西衙有崇祠費片列遺像
我來蒞此邦高賢崇景仰懷古且自鏡寤寐佇遐想

卷之十一
樂鍾秀甲申旱雹知縣周公兆鳳發倉以賑明春復給牛種捐俸減糶窮民欣然歌以誌之一首

安城郭彈丸者地瘠產窮丁數寡洪水劫火幾經過凋殘十里累民社甲申歲遭旱魃虐麥豆虛耗已無夏秋來稍得起枯苗又被雹水隨雨下大者如拳小如彈東南百里遭毒打川原一望地如掃老農嗙呼淚盈把周侯慈仁夙稱賢政事襲黃才董賈單騎巡行童叟環輕重被災簿籍寫便宜發粟貸貧民活我窮桑柘似履春來省補資牛種雨畝作息無虞也捐資減糶不計身造物終當錫純嘏
此唏噓還作歌我欲因之登風雅

任敘典五架山龍湫報祀歌四章

雷車轟轟風馬馳兩壩夾轂颺雲旗鱗爪飛拏勢衙衙前
驅豐隆後神夔殛磔長鯨山鬼匿鏡索早魃枯肥蠅和風
甘雨下葳蕤高額修髯豐雙頤衣冠甚偉坐茅茨威容祥
和龍性慈廟龍爲主湫龍賓賓主神人相悅怡靈之來兮
來何遲待靈不來我心悲

迎神曲

秋稼如雲穎垂阡山花山果相新鮮酒掃几筵潔且蠲木
盤瓦缶當豆籩黃羊特殺腴不羶左陳雞黍右瓊肩邨童
社鼓聲填填村老指點話豐年老幼雜坐語喧闐炷香灌
酒拜仆顙神未醉止樂油然須臾微雨過前川半雨半晴

不妨日預備來歲取十千

侑神曲

問道社酒好治聾神龍不聾耳倍聰一紙丹誠達敝宮滿
天風雨來空濛水府水仙亦能文借觀瀛岡表孝忠不是
愛予文能工文章有神神可通呼烏難廻周郎顧憑他錯
誤曲三終神具醉止樂無窮願使仙官駕彩虹夕陽沉沉
不到地留神相待月明中

樂神曲

山月微茫吐山樹靈欲歸兮澹容與回風獵獵神靈雨招
搖猶見霓旌舉乘雲一去渺何許煙波迷離入島嶼鮫人
泣珠獻綃紵潛蛟吟浪睡驪舞仙樂導引還貝闕異香紅
燭迎龍女女是黃河貴公主細問報賽醉椒醕願君雨暘

莫愆期母使祈請頻延佇

送神曲

又饒歌一首

解甲歸來脫補襦馬蹄聲裡棧雲長
西風一夜榆關冷帶得金川四月霜

又甘泉歌四章

谷口離宮漢殿開雲陽屢幸翠華來
可憐一樣清如玉誰似子雲獻賦才

隋皇罷幸自年年萬壑千巖當咽奠
傳語鄉人休苦貢玉泉今日勝甘泉

空谷芳踪只應亭洞洞暗水玉瓏玲
賢明見說姜明府肯

向深山一啟扇

玉泉勺飲令人壽清切西山接紫宸驛騎雕陰六千里忍
教害馬復勞人

龔元趙延州詩二首

山抱延城城倚山城邊延水逐山灣琳宮梵宇烟雲上羅
服裘衣巷陌間征雁南來趙翟道鳴駝北去度蘆關浪遊
野客無窮思髮白星星未欲還

最好清秋雨後涼碧天如洗正斜陽四山濕翠宜高屐
徑寒花繞曲房老至更憫塵念慣聞來真信客居強熏爐
視匣摩挲久自笑仍耽翰墨香

康綸鈞中秋前一日重遊清涼山詩一首

勝地來尋不厭頻
星輅再駐拂征塵
能消白日惟良友
自有青山作主人
掃徑寺僧還識客
依簷秋燕若爲鄰
浮雲散去寥空淨
明月招邀共酒巡

楊讓行部甘泉道中有懷文蘇亭需廉訪詩四首

當年杖策謁城闐
金石論交是夙因

庚申仲春奉使西蜀道過褒城始識廉訪

我向寒泉盟舊影
君尋明月問前身
迎人印壑皆成趣
過

眼烟雲總未真
青鏡功名詞客夢
高吟梁苑亦風塵

含香左闥妙齡時

廉訪弱冠卽官吏部

典盡朝衣尚苦饑
粉署難消

前度感豸冠已悵十年遲

廉訪由侍御左遷再官選曹

寒花晚節人爭

美老圃秋容獨自知我亦逍遙塵外客高賢許與共心期

山花已苦熱風吹那見濕雲麥隴垂

時北邊望雨甚切

坐惜鳴鳩

空舌巧應憐布穀太情癡徘徊紫陌將焉往料理青簑未
有期爲爾長愁如困酒殿春辜負看花時

十載憂民髮有絲何當霖霖又愆期常將葑屋祈年意併

入衙齋待旦時剩有廉泉飛作雨休愁湛露不成霽胸中

如許東坡記寫向征鴻慰遠思

廉訪嘗作蘇亭寓東坡喜雨之意

又僕旣宿壇祈禱三日而雨越日偕永二金四裴大奎四

謝大五明府洪生江門登清涼山時西安鳳翔久旱闔溫

頓餘方伯晨晴步禱憂瘁在顏僕方耿耿於懷迺小憩山

寺而西鳳大沛甘霖之信忽至喜而有作詩二首

彌望郊原匝地陰濕雲漠漠翳高岑春寒恰似秋霜晚沿
漲初迴曲澗深隴麥甦時知節候田家樂處好登臨與君
同作貧家母織衽哺兒愧此心

曾聞步禱活斯民寢饋俱忘欲損神忽報甘霖增涕淚遙
從邊吏話酸辛

方伯亦有書見寄

乾坤浩蕩容名宦時勢艱難出

異人慙負山靈惟我輩何時遍地有陽春

洪憲登清涼山詩一首

際曉出東郭遙睇清涼山烟靄積翠微秀色橫空盤孤懷
遊緬邈逸興窮躋攀長松夾磴道翠竹臨溪灣清風動衣

襟好鳥時歸蠻穿雲出林杪絕頂週天關萬象羅心胸百
里現毫端城形拱巖泉水勢紆回環旣擅林壑幽而無豺
虎患眷言韓忠武宋史韓世忠傳晚自號清涼居士卽此山百戰丁時艱子溫
亦畸人清節足訂頑遺居已桑海偉跡留塵寰感茲代謝
理懷古殊鬱殷何當構軒楹對此青螺鬟官齋有餘閒佳
哉時往還

徐洪懿塞外詩一首

絕塞少人跡征鞍却問途萬山隨地盡一鳥入雲孤到此
天空濶不知春有無行程何處宿鳴角起邊隅

長禧范圃秋思詩一首

病久欲歸歸未得又來小駐古延州四圍山色杯中合一
道溪聲檻外流雨過蒼苔花盪盪雲收青嶂鹿絲絲鄉心
那更逢秋切一曲銜陽范園樓

又山窗有懷詩一首

極目青蒼界雪嶠山窗却好酒人凭洋洋翟水療饑渴落
落春星念友朋官舍敲詩得少趣寺樓煮茗與誰登清涼
本是神仙窟疑有庚桑呼不膺

又答友人以范堯夫贈游師雄琴寄歸延州詩一首

薄宦延州笑挫鍼開鍼喜見師雄琴雪消晴日邊城暖韻
入寒松使院深噴飯何妨轡適志執鞭畢竟富違心范游

一去空千載睡寂羣山復好音

又重陽後一日洪公子江門勲范圃列菊醉客卽席賦贈
詩一首

郎君今日綺筵開范圃奇英作酒媒名士揮毫秋色裡將
軍舞劍萬花堆庸庸我亦抒愁思落落誰還解愛才藉甚
詩名驚四海論交不負此番來

又早春交延州事題壁詩二首

對客談山笑口開新居喜占翠雲隈仙橋珠樹搖春暖鳳
嶺金鈎照雪皚鱗經到來先問竹魚書交却卽啣杯攤書
漫道王戎懶獨夜披香徐溯洄

人事更嘗所遇安自揮小斧補池欄求田問舍元龍諱挾
史持經率直歎晝寢不辭譏懷客夜吟今喜就閒官愛花
欲滿張羅地魏紫姚黃種牡丹

王文奎丁巳夏日遊延安清涼山呈洪聖洲郡伯詩一首
軟紅飛不到躡屐得清涼山骨開初地波心印上方八閤
通吳竅萬佛闢滄桑路斷飛橋接樓虛汲綆長化城留勝
景故宋屬巖疆貝葉翻經典天花散道場總資韓范策障
此水雲鄉五馬游韞鍤雙鳬奮翼翔疎林烟外磬寶塔雨
中香蹶涉千層級皈依數仞墻悟從無際入劫貴未然防
莫擬尋幽好新篇苦學常

王廷桂杜甫川詩一首

二翟三秦瞥眼非漢唐遺事見來稀如何萬古三川水却記詩人窮感歸

宋榮延州詩一首

偶沂洪河到上游東風吹我臥延州連雲雉堞通榆塞多少思鄉人倚樓

周郁琵琶橋詩一首

霜後坡陀草尚青偶閒童冠訪山扃琵琶橋上徘徊久贏得人人拍手聽

周元濬延州喜雨詩一首

潤窄山灣稀水田旱糧直種到山巔一番時雨土膏潤豆
麥青青碧樹前

米恒慶清涼山詩一首

豈是蓬壺隔弱水非關仙駕阻銀河橫空一幅李昭道不
厭樓臺金碧多

蘇甲榮嘉嶺山題壁詩一首

山堂驚見牡丹開不負登臨拾級來聽說河源猶在上枯
槎誰犯斗升回

張元勳塞外詩一首

青觀滄海水今見塞垣烟風過塵吹浪春蒸氣接天馬蹄

雲片起沙影月光連遊覽平生志襟懷一灑然

余文謨延州閣雁詩一首

船日不離南去雁林鐘猶自度斜陽聲聲催老天涯客邊
寒秋風尚異鄉

章表鑑太和山石磴詩一首

冬雪春冰石澗寒梯墻千級倚雲端曾經華岳蒼龍嶺解
識仙人道路難

莊雲雅延州道中詩一首

曾記僊霞嶺外山狂流亂石澗中間何因蠟屐通奇險又
度宜州金嶺關

胡梅郡解古松詩一首

每看叢翠疊層霄
碧葉霜柯映綺寮
知是何年人種得
教儂深坐聽秋飈

包堂登清涼山詩二首

清涼名勝地登眺晚秋時
洞闢諸天佛崖徵遷客詩
長空消鐵甃盤折歷嶽巖遙指雲深處窮探別有奇

欲極尋幽興扳躋最上層
千山雲外列二水望中澄
舉手捫星斗飛觴屬友朋
嘯歌情不盡寒月已東升

黃磐登清涼山詩二首

再到清涼境登臨勝昔時
雲霞烘古寺珠玉勒新詩
野菊

寄幽興賓鴻度遠思此身同壯健把酒且盈卮
唱和酌佳節情閒興倍增探奇瞻洞佛憶舊訪山僧定疾
清如故桃花春未曾留連歸路緩回首暮雲騰

尹景先延州寒夜詩一首

可喜寒宵睡味輕閒依書卷坐三更燈紅久悟焚膏理爐
暖頻聽煮水聲築圃山中勞恨想驅車天末笑平生經年
留賞邊關月一任冥鴻寄遠情

沈琮詩灣詩一首

洪流激石石巖虛安穩人天守石廬爲向雪鴻憐爪跡題
名留試肇窠書

注玉衡遊清涼山詩一首

又之清涼一集解山左揆面水國游登臨不作悲秋客半
以歌詩半問禪

金思義房園春柳詩一首

長髮房園柳招搖倍可憐余情殊脉脉春色自年年悵望
東塘後忽夢夕照前美人在何處疑上有寒烟

李作新秋渡興詩二首之一

微風雨暗城闌塞上秋
寒色比侑樹樹烟籠茅屋小
山
日暮
寒
年
勾
到
來
真
不
隨
時
勢
老
去
何
妨
爲
仕
貧
性
澹
心
無
邊
清
興
喜
方
新

豐社南宅詩一首

空園山色映青蒼，猶有詩翁舊草堂。
老去許身同稷契，窮來露肘謁君王。
蕭蕭竹樹根逾古，落落文章燄正長。
更覺心香到西蜀，浣花溪畔草廳芳。

吳聯奎壬戌莫春客上郡衙齋雜咏用三韓孫太守川范
園壁間韻詩八首

別院多幽况，軒開百慮清。
看山連眼潤，聽鳥隔花鳴。
不盡

適人意，常關遊子情。
何時得膏雨，布穀已催耕。

山田若遠近，極目埜林中。
柳色滅新綠，花陰飛落紅。
疎狂適處合，清興幾人同。
伴我窗前月，流光涵碧空。

半載離鄉國，羈人客當家。風簾頻入燕，春樹好棲鴉。采藥
浸佳醢，汲泉烹野茶。曲欄剛日暖，香綻鼠姑花。

花月依三迳，琴書擁一牀。惜春眠不得，知已話偏長。自有
忘機樂，還添索畫忙。投閒時習靜，獨坐且徜徉。

卽此翠微裏，何妨屋半間。地偏人語寂，心定鳥聲閒。好古
一生拙，無才兩鬢斑。邊城客小住，日夕對溪山。

客裏驚時暮，揚州繫我思。二分好明月，十里舊平池。市遠
依山設，舟輕逐浪移。虹橋堤柳畔，此日聽春鵲。

一夜簷前雨，衙齋景倍妍。溪雲流樹杪，山日挂城邊。事簡
公庭僻，民安太守賢。閒看開隙地，多種菊花田。

求官非我志性癖且耽幽書爲愁來讀詩憑醉裏臨望雲
期白鶴學道訪青牛深感知音者天涯與共儔

曹載然延州八月忽放杏花隨意摘菊花兩朵共置膽瓶
中戲咏詩一首

正是延州八月中秋英攬入杏花叢恍如籬畔逍遙客重
宴瓊林踏軟紅

洪勳丁巳九日登延州清涼山詩二首

九日登臨合賦詩延州風景儘堪追大觀將相千年蹟俯
視人家萬井炊絕頂只留天在上名山休笑我來遲臨風
無限低徊意憂樂惟教范老知

峭壁懸崖黛色疑蓮峯還在最高層山當缺處雲爲補風
到涼時氣尚蒸流水聲中心共遠桃花洞口月初升回看
樹杪仙橋聳多少樓臺畫未能

又己未延州除夕感懷和揚州方秀才士杰戊午除夕寄
懷元韻詩二首

五度天涯歷歲除等閒虛擲此居諸春風不管歸心切烽
火偏教去鴈疎太守之孫窮最好小人有母養何如明知
歸路都難撇劇望江南一紙書

人生莫漫說封侯空惹霜寒上黑頭對客強嘗分歲酒敲
詩怕憶少時游二分明月經年夢千古羈人此夕愁檢點

吳夢尋舊句方干高格壓揚州

又和良度莽司馬答友人贈游師雄琴原韻詩一首

泣歌聲裡頌爲霖千載重逢人與琴
今古遙遙風雅合主賓
落落水雲深天教持贈歸完璧
我愧疎庸托素心此日
衙齋饒韻事一松一石總清音

又庚申延州除夕感懷詩一首

三十過頭四十催天公作意難庸才
心依老母家偏遠目

注南軍信未來

時勲祖從戎漢南

曾記感懷纔一瞬又看圓月十

三回

年逢

延州八度逢除夕

計戊申庚戌乙卯以迄庚申皆在延州度歲

欲把

前程問早梅

又辛酉七月六日鄜延道中值四十初度馬上口占詩一首

江門近况竟如何四十生辰馬上過爲省重巖支病骨還

聞老母典輕羅

途中接家耗知母氏夏衣典盡

逢人不說黃金盡攬鏡惟

憐白髮多天意教儂添閱歷此心曾未任蹉跎

又辛酉重陽前一日由青門返延州對菊口占詩一首

關中半載苦奔馳瘦骨伶仃強自支且喜黃花猶待我一

尊相對又題詩

又辛酉除夕返自青門同人卽席口占詩二首

又向關中歷碌回馬蹄偏遇歲華催問余何事歸心急爲

看延州瑞雪來

漫燒紅燭擁笙歌得句從教仔細哦
大白滿斟須盡醉今宵鄉夢枕邊多

施浥培興安差次逢和洪江門勲九日登清涼山原韻詩
二首

二千里外讀君詩美景良辰妙可追
眼開洞天空所有胸藏爐竈不須炊
山偏露爽頻頻引雲似嫌忙故故遲
踏遍林薈開小宴賞心惟許菊花知

長天秋水澹相凝人在清涼第幾層
全郡風光看了了兩城民氣樂蒸蒸
空中樓閣參差列畫裡賓朋次第升
愧我

亦曾凌絕頂欲吟佳勝竟無能

郭士類興安差次遙和洪江門勲九日登清涼山原韻詩
二首

曾向崖邊讀古詩吟哦新句倍堪追黃花徑滿香風度丹
竈薪傳活火炊工部未辭登眺遠參軍偏恨到來遲匆匆
又報重陽近爲語山靈有故知

烟霞飄渺暮山凝記在清涼第一層雁影直涵晴影活苔
痕猶帶雨痕蒸人家隔水參差出石磴扶雲宛轉升自是
不歸歸便得登高作賦我何能

金麗青秋日清涼山寺晚眺詩二首之一

危樓飛閣枕溪流古洞巉巖到處幽僧背白雲歸野渡鳥
穿紅樹下平疇霜欺籬畔黃花瘦苔綉碑紋綠字留極目
蒼茫對殘暮萬山落日一天秋